

NEWSLETTER


april 2024.



IZDANJE



FONDACIJA
HASTOR



Sadržaj

● Predgovor	3
● 18. godišnjica – aktivnosti	4
● Intervju s Džulisom Otuzbir, alumnisticom koja je uredila najviše izdanja Newslettera	8
● Timeline	10
● Objektiv jubilarnog 100. izdanja	11
● Rubrika Newsletterских uspomena	12
● Šta je nama Newsletter	14
● Svi dosadašnji članovi redakcije	17



Nekoliko riječi o našem Newsletteru

Fondacija Hastor prvu stranicu svoje priče otvorila je davne 2006. godine, i sve do danas, svaku riječ pisali smo pažljivo i s ljubavlju prema onome što jesmo i što planiramo postati u budućnosti. Iz godine u godinu naša priča je rasla i ovoga aprila s velikom radošću obilježavamo punih 18 godina njenog postojanja u koje je stalo mnoštvo rada, truda, ideja, volonterskih sati, zahvalnosti, izmamljenih osmijeha i vraćenih nada u bolje sutra. Stoga su u svaku napisanu riječ naše priče utkane uspomene koje pažljivo čuvamo jer su one dokaz našeg predanog rada na tome da kreiramo bolju sadašnjost za mlade ljude naše zemlje, ali i ljepšu budućnost za generacije koje dolaze.

Na samom početku, male odlomke naše priče pisali smo za naše stipendiste nastojeći zabilježiti sve važnije događaje da bismo im se kasnije s radošću mogli vraćati i da bismo ih se mogli prisjećati. Tako je nastao i prvi bilten Fondacije Hastor koji su pisali naši stipendisti i koji smo u tim godinama i dijelili samo s njima. No, prije osam godina, odlomke naše priče poželjeli smo podijeliti i s drugima, nastojeći u njima donijeti toplinu u nadi da će i naši stipendisti, ali i drugi mladi ljudi pronaći motivaciju za svoje djelovanje. Tako smo 2015. godine napisali i s vama podijelili prvo izdanje našeg Newslettera i s ponosom ističemo da na punoljetstvo Fondacije Hastor objavljujemo i njegovo jubilarno 100. izdanje.

U ovih 100 izdanja napisali smo mnoštvo lijepih i pozitivnih priča koje su bile odraz empatije, humanosti, nanizanih uspjeha, rođenih prijateljstava i, možda i najvažnije, međusobne podrške i zajedništva naših stipendista, a oni su oduvijek i bili glavni junaci naših newsletterskih priča.

Fondacija Hastor u okviru svoga djelovanja predstavlja zajednicu koja nastoji pružiti mogućnost mladim ljudima da rastu, napreduju i razvijaju svoje vještine. Kroz 18 godina stipendiranja mladih ljudi u Bosni i Hercegovini zabilježili smo veliki broj nesvakidašnjih uspjeha i napredaka i baš zato je izdanje pred vama rekapitulacija najvažnijih događaja o kojima smo pisali kroz prethodne brojeve, ali i prikaz našeg rasta kroz sve ove godine.

Newsletter je oduvijek bio ogledalo našeg rada jer smo upravo na njegovim stranicama govorili o najznačajnijim uspjesima, stoga smo u ovom jubilarnom 100. izdanju nastojali donijeti iskustva onih koji su o njima pisali i koji su kroz ljepotu pisane riječi pažljivo čuvali naše uspomene. Ovo izdanje ponajviše posvećujemo našim vrijednim volonterima koji su godinama jedni na druge prenosili amanet čuvanja Newslettera, koji su jedni druge podučavali i nerijetko ostajali volontirati kao članovi redakcijskog, prevodilačkog i tima za grafički dizajn i nakon što su završili svoj studij i prestali biti stipendisti Fondacije Hastor.

Naši stipendisti koji su vrijedno pisali svoje priče prenosili su sliku Fondacije Hastor drugima na najljepši mogući način i ovo izdanje svjedoči njihovoj ljubavi prema Fondaciji Hastor jer smo zajedno u svih 100 izdanja uklesali jedan dio njene historije koji će ostati kao podsjetnik na dobro generacijama koje tek dolaze i koje će, kao i sve ranije, kreirati i pisati svoje priče.

Vjerujemo da ćemo i u narednim izdanjima bilježiti uspjehe, rast i području jednih prema drugima. Ispraćat ćemo i dočekivati nove generacije naših stipendista trudeći se u Newsletteru – našem albumu uspomena – čuvati najljepše priče iz naše Fondacije Hastor.

Kako smo obilježili punoljetstvo Fondacije Hastor

U povodu osamnaestogodišnjeg djelovanja Fondacije Hastor, i ovoga aprila godišnjicu smo obilježili na poseban način nastojeći fokus usmjeriti na ono po čemu je naš rad od samog početka prepoznatljiv. Godinama unazad, naše godišnjice obilježavali smo s našim stipendistima gradeći nova prijateljstva i povezujući mlade ljude iz cijele Bosne i Hercegovine pa je tako bilo i ovoga puta. Osim toga, sretni smo što možemo istaknuti da smo 18. godišnjicu obilježili i sastankom Alumni kluba Fondacije Hastor na kojem smo okupili i veliki broj alumnista Fondacije Hastor.

April je mjesec u kojem smo tradicionalno navikli posebnu pažnju posvetiti činjenju dobra pa smo tako i ovoga puta skupa s našim stipendistima kroz projekt "Punoljetstvo Fondacije Hastor u znaku dobročinstva" godišnjicu obilježili velikim brojem društveno korisnih aktivnosti, a o svemu prethodno navedenom detaljnije možete pročitati u nastavku.

Svečani sastanak sa studentima stipendistima Fondacije Hastor



U želji da radost punoljetstva podijelimo s našim stipendistima studentima za njih smo, tradicionalno, priredili prigodan program, a ovaj put svečanost smo odlučili održati u prostorijama ASA Instituta. Kao i svake godine, iskoristili smo priliku da se zajedno osvrnemo na dosadašnja postignuća, ali i da najavimo buduće aktivnosti.

Na samom početku sastanka, direktorica Fondacije Hastor Lejla Đonlagić čestitala je stipendistima godišnjicu Fondacije Hastor naglasivši da svi zajedno trebamo biti ponosni na to što smo dio jedne ovakve organizacije koja nas već godinama kontinuirano i nesebično uči pozitivnim životnim vrijednostima. Direktorica je ukratko najavila i tok sastanka istaknuvši kako smo i ove godine aktivnosti povodom obilježavanja godišnjice Fondacije Hastor posvetili našim stipendistima jer su oni najbolji primjer djelovanja Fondacije Hastor u društvu.

S obzirom na to da mnogi stipendisti volonteri već godinama vrijedno i marljivo izvršavaju svoje volonterske zadatke, zajednički sastanak odlučili smo iskoristiti kako bismo im čestitali za njihov kontinuirani rad i trud te smo za 20 najvrednijih dodijelili zahvalnice, a oni nisu krili zahvalnost i oduševljenje iznenađenjem koje smo im priredili.





Ovogodišnji sastanak povodom godišnjice Fondacije Hastor iskoristili smo i za dodjelu nagrada za najbolje likovne radove pristigle na naš likovni konkurs objavljen u februaru ove godine. Sve to bilo je povod za zajedničko radovanje, a više o svakoj aktivnosti i tome ko su naši nagradjeni stipendisti možete pročitati u nastavku rubrike.

Posebnu čar sastanku dali su naši stipendisti koji su nas sve zajedno počastili svojim talentima te je čarobnim zvucima svoje violine stipendistica Anja Udovčić na najljepši način otvorila ovu svečanost. Gracioznim plesom i elegancijom naša stipendistica Iman Nur Smailbegović ostavila je poseban dojam i našoj svečanosti dala poseban pečat, dok je Ivan Rajić, naš talentovani muzičar, u veselom tonu svojom pjesmom zatvorio naš sastanak.



Pripremila: **Semina Sadiković**

Dodijeljene zahvalnice za 20 top volontera Fondacije Hastor

Volonteri su poput svjetla koje obasjava tamu, donoseći toplinu i nadu tamo gdje je najpotrebnije; to su pojedinci koji nas svakom svojom aktivnošću pozitivno iznenade i izmame osmijeh na naše lice. Njihova predanost i entuzijazam često doprinose raznim promjenama u društvu te smo ponosni na to da je volonterizam jedna od najvažnijih karakteristika Fondacije Hastor. Naši volonteri su mladi ljudi velikog srca koji velikodušno ulažu svoje vrijeme i sposobnosti kako bi pomogli drugima i zajednici koja ih okružuje. Vodeći se tim, Fondacija Hastor im već godinama nudi mnogobrojne prilike da njihov rad dođe do izražaja i da ubiru plodove svog predanog rada.

Ovoga puta zajednički sastanak studenata stipendista iskoristili smo kao priliku da i simboličnom zahvalnicom nagradimo njihovo dosadašnje nesebično zalaganje. Iz tog razloga, na mjesečnom sastanku studenata dodijeljeno je 20 zahvalnica za naših 20 top volontera, a oni poredani abecednim redom su:

- | | | | |
|-------------------------------------|--|--------------------------------------|---------------------------------------|
| 1. Begić Adelisa , Jajce | 6. Ferati Selma , Sarajevo | 11. Karić Dina , Sarajevo | 16. Lipovac Irma , Konjic |
| 2. Bojanić Maja , Derventa | 7. Hasanović Iman , Sarajevo | 12. Karić Venesa , Zenica | 17. Marijanović Jana , Kakanj |
| 3. Džihan Irma , Sarajevo | 8. Hodžić Amela , Busovača | 13. Keserović Sara , Sarajevo | 18. Šahbaz Edin , Maglaj |
| 4. Đapo Lejla , Sarajevo | 9. Hodžić Sedina , Lukavac | 14. Korjenić Azra , Goražde | 19. Velagić Amar , Bugojno |
| 5. Đuderija Samra , Sarajevo | 10. Horić-Šabić Lamija , Zenica | 15. Lazić Iva , Tuzla | 20. Vrtagić Ibrahim , Živinice |



Pripremila: **Aida Suljić**

Dodijeljene nagrade pobjednicima Konkursa za najbolje likovne radove

Sa željom da nagradi maštu, kreativnost ali i talentiranost svojih stipendista, Fondacija Hastor je u februaru tekuće godine organizirala Konkurs za najbolje likovne radove, na kojem su pravo učešća imali studenti i srednjoškolci. Radovi pristigli na konkurs pokazuju najdublje emocije prenesene na originalan, maštovit, ali veoma kreativan način. Mladi kreativci Fondacije Hastor još jednom su pokazali da je pravi recept za uspjeh spoj talenta, mašte, inovativnosti i kvaliteta.

Iako je riječ o kreativcima iz oblasti likovne umjetnosti, iz njihovih radova može se još štošta pročitati: empatija, zahvalnost, altruizam, podrška i mnogo drugih plemenitih osobina. Premda su svi radovi zaslužili posebnu nagradu i priznanje, žiri je izabrao one koji su se istakli na najposebniji način pa su na sastanku stipendista Fondacije Hastor uručene nagrade najboljima od njih.

S obzirom na to da je konkurs bio organiziran za studente i učenike srednjih škola, nagrade su podijeljene u dvije kategorije, pa je u kategoriji studenata prvo mjesto pripalo **Aiši Avdić**, a njena nagrada je Samsung Galaxy S23, drugo mjesto osvojila je **Elma Sarajlić** osvojivši Lenovo Tab M8, a treće zauzela je **Merima Pajalić** osvojivši Tesla TV 32E310BH.

U kategoriji učenika srednjih škola prvo mjesto pripalo je **Denisi Žarkušić**, a njena nagrada je Samsung Galaxy A33 5G, drugo mjesto osvojila je **Naida Omerović** osvojivši Lenovo Tab M8, a treće mjesto zauzela je **Sadika Fišić** osvojivši Lenovo Tab M8.

Ovom prilikom čestitamo svim stipendistima – učesnicima konkursa, koji su svoj talent podijelili s nama u vidu predivnih slika.




Pripremila: **Aldina Šaljić**

Održan sastanak Alumni kluba Fondacije Hastor

Današnja Fondacija Hastor zasigurno ne bi bila kakva jeste bez naših alumnista. Iako su završili sa stipendiranjem, njihova povezanost sa Fondacijom i dalje je izuzetno čvrsta te svojim djelovanjem i danas Fondaciju Hastor prikazuju u najboljem svjetlu. Naši alumnisti nesebično dijele svoja znanja, iskustva i savjete s novim stipendistima, kako kroz Podcast Fondacije Hastor tako i kroz brojne druge aktivnosti.

U duhu njegovanja zajedničke saradnje, 17. aprila održana je prva online sjednica Alumni kluba. Na sjednici je usvojen Poslovnik o radu Alumni kluba, kao i predstavljen nacrt rada koji uključuje definisanje prioriternih aktivnosti i formiranje timova zaduženih za razradu pojedinačnih aktivnosti čime je potvrđena opredjeljenost naših bivših stipendista da nastave širiti misiju Fondacije Hastor. Sjednica je poprimila i svečanu notu, s obzirom na to da je održana tačno na 18. rođendan



Fondacije Hastor. Kroz razgovor su se probudila sjećanja na dane volontiranja i sva neprocjenjiva iskustva koja su stečena dok su još bili stipendisti Fondacije. Alumnisti nisu krili zadovoljstvo zbog osnivanja Alumni kluba koji im je stvorio mogućnost za obnavljanje starih prijateljstva koja su zbog udaljenosti ili mnoštva obaveza nakratko bila prekinuta.

Sastanak je bio prožet nostalgijom za prethodnim danima, ali i velikim entuzijazmom za dalji nastavak kvalitetnog prijateljstva i saradnje s Fondacijom Hastor. Izuzetno smo ponosni na volju i želju naših alumnista da nastavimo djelovati zajedno te se silno radujemo našim budućim aktivnostima.

Pripremila: **Nikolina Stanar**

Punoljetstvo Fondacije Hastor u znaku dobročinstva

Kao i prošle godine u mjesecu aprilu, tako i ovoga puta, naše volonterske grupe u cijeloj Bosni i Hercegovini postavile su nove standarde u procesu volontiranja. U okviru projekta "Punoljetstvo Fondacije Hastor u znaku dobročinstva" naši volonteri organizirali su veliki broj aktivnosti širom Bosne i Hercegovine čiji je cilj bio poboljšati i unaprijediti zajednice u kojima žive.

Ponosni smo na naše stipendiste koji nesebično pružaju ruku onima kojima je ona potrebna, šire svoju humanost i postaju uzorni članovi svoje zajednice u svim segmentima. Mjesec april obilježen je raznim aktivnostima, a samo neke od njih su: čišćenje i uljepšavanje javnih površina, izrada kartica s afirmacijskim porukama za građane, izrada hranilica za životnje u školskim dvorištima, ekološke akcije, posjete udruženjima za djecu s poteškoćama u razvoju, izrada slikovnica za djecu oboljelu od raka, humanitarne akcije i volontiranje u humanitarnim udruženjima, posjete staračkim domovima, pomoć starim i iznemoglim licima i dr.

Volonteri Fondacije Hastor zbog ovakvih aktivnosti postaju prepoznati u svojim zajednicama i bivaju uzori budućim generacijama, a kroz projekte poput ovoga Fondacija Hastor ih podstiče na njihovom putu činjenja dobra, čvrsto vjerujući da će plodovi našeg zajedničkog rada donijeti korist i napredak cijeloj Bosni i Hercegovini.

Sretni smo da iz godine u godinu naši volonteri imaju sve bolje i kreativnije ideje kako mogu doprinijeti društvu, ali i unaprijediti svoje vještine i mogućnosti. Na taj način gradimo lančanu vezu među generacijama i čvrsto vjerujemo da će oni biti nosioci brojnih pozitivnih promjena u budućnosti.



Pripremila: **Hana Kolasević**

Razgovor s Džulisom Otuzbir, alumnisticom koja je uredila najviše izdanja Newslettera

Već je odavno poznato da su stipendisti Fondacije Hastor prepoznati kao članovi društva koji svojim profesionalnim radom pokazuju koliko je važno da jedna zajednica ima kreativne, obrazovane i vrijedne mlade ljude koji će je svakodnevno unapređivati. U ovom, jubilarnom broju Newslettera donosimo vam priču o Džulisi Otuzbir, bivšoj stipendistici i članici redakcijskog tima Fondacije Hastor, koja je uredila najviše izdanja Newslettera, i njenom putu od stipendistice Fondacije Hastor do mlade evropske ambasadorice za Zapadni Balkan.

1. Kakav je osjećaj bio biti dijelom velike porodice kao što je Fondacija Hastor?

S ponosom mogu reći da sam ja jedna od prvih stipendista Fondacije Hastor. Prateći njen rad i sudjelujući u razvoju Fondacije, nisam bila svjesna njene veličine, međutim, kada se osvrnem na taj njen put, zaista sam ponosna na to što sam i ja bila dijelom jedne takve zajednice, zajednice koja okuplja veliki broj stipendista, pa često ističem kako nije porasla Fondacija, već kako smo, zapravo, porasli mi.



2. Koliko godina si bila stipendistica i u kojim timovima si volontirala?

Bila sam stipendistica Fondacije Hastor 12 godina, od 2007. do 2019. godine. Na samom početku, volontirala sam kao mentor s učenicima, a ubrzo sam postepeno počela pisati za bilten, nakon čega sam i zvanično postala članica redakcijskog tima. Pored volontiranja i obaveznih aktivnosti, rado sam učestvovala i u svim drugim događajima koje je Fondacija organizirala.

3. Kako je bilo biti članica redakcijskog tima, a potom i urednica Newslettera?

Kao dijete uvijek sam uživala u pisanju i kreativnom izražavanju. Voljela sam odgovarati na pisma stipendistima i tada je već bila otkrivena moja velika strast prema pisanju. Na početku je bilo teško prilagoditi svoj književnoumjetnički stil pisanja novinarskom stilu, jer nisam navikla na takav vid pisanog izraza. Tadašnja stipendistica Nadira Berbić usmjeravala me ka onom novinarski objektivnom, konciznom i nepristrasnom pisanju te sam s vremenom usavršila i tu vrstu spisateljske vještine. Pisati za bilten bila mi je, prije svega, velika radost. Nisam očekivala da ću postati urednica. Na samom početku, nije zvanično ni postojao tim ljudi koji je uređivao bilten. Volontirala sam i pisala sama određeni period, a tek smo kasnije počeli okupljati pravi tim, koji je uključivao i autore tekstova, lektora i grafičkog dizajnera. Prvi put sam se susrela s odgovornošću i naučila kako voditi tim. Kasnije mi je to zaista koristilo na mnogim životnim poljima.

4. Koje su bile tvoje obaveze i kako si se snalazila na tako odgovornoj poziciji?

To je ono što sam iznimno voljela i što me ispunjavalo. Nije mi uopće bilo teško niti mi je to predstavljalo obavezu. Čak i kad sam bila u Portugalu na razmjeni studenata, pisala sam tekstove

za bilten. Sve što sam napisala zaista je bilo od srca. Kada je riječ o obavezama, na početku mi je bilo veoma teško steći vještinu delegiranja obaveza jer sam, kao što sam već prethodno istakla, na samom početku sve obavljala sama. Kasnije sam uspjela organizirati tim koji se sastojao od tri autora, lektora i grafičkog dizajnera.

5. Kako si usklađivala svoje studentske obaveze s obavezama u Fondaciji?

Uopće mi nije bilo teško, imali smo dovoljno vremena da ravnomjerno raspodijelimo obaveze. Svakako, susretali smo se s mnoštvom izazova, ali uspijevali smo ih prevazići dobrom organizacijom.



6. Šta je za tebe bit volontiranja? Da li si nastavila volontirati i nakon volonterskog angažmana u okviru Fondacije Hastor?

Iako trenutno nismo u Fondaciji, mi uvijek ostajemo volonteri. Mislim da ću sebe zauvijek i smatrati volonterom Fondacije Hastor. Iako sada ne radim ništa volonterski za Fondaciju, uvijek se trudim odazvati pozivima i različitim aktivnostima u okviru Alumni kluba.

Ubrzo nakon zvaničnog volonterskog angažmana u Fondaciji, postala sam dio Mreže mladih evropskih ambasadora, što je, također, na volonterskom nivou. Imali smo mnoštvo različitih aktivnosti. Nismo, dakle, specijalizirani samo da govorimo o EU integracijama, da se fotografiramo za medije, već, zapravo, u prvom planu treba biti činjenica da smo svi mi, prije nego što smo postali ambasadori, bili volonteri i prepoznati kao društveno aktivni i korisni pojedinci u svojim lokalnim zajednicama. Zaista mislim da bi svaka mlada osoba trebala

iskusiti volonterski rad i osjetiti zadovoljstvo postignutim promjenama oko sebe, ali i u sebi. Volontiranje pruža praktično iskustvo koje nemamo u formalnom obrazovanju te je, stoga, neminovno aktivirati se i na tom planu zbog kasnije konkurentnosti na tržištu rada.

7. Je li ti stečeno volontersko iskustvo bilo značajno u studiranju, u kasnijim poslovnim angažmanima te u ličnom razvoju?

U studijskom smislu volontiranje me naučilo biti odgovornom, a posebno mi je pomoglo u karijernom smislu. Danas radim kao specijalist za komunikacije u UNDP-u i zaista mislim da ne bih došla na tu poziciju da nisam stekla tako značajno iskustvo u Fondaciji Hastor i u Mreži mladih evropskih ambasadora. Sve što sam ikada volonterski uradila isplatilo mi se nakon određenog vremena.

8. Kako je to biti koristan, izvrstan i uspješan mladi čovjek i pojedinac u savremenom bosanskohercegovačkom društvu?

Čovjek uči i usavršava se dok je živ. Trudim se vratiti zajednici sve ono što sam stekla i naučila. Nastojim prenositi znanje mladim ljudima. Mislim da se nikada ne trebamo zaustaviti i zadovoljiti mišlju da smo postigli sve u životu. Težnja ka cjeloživotnom učenju trebala bi nam svima biti cilj.

9. Šta je značila podrška Fondacije Hastor u tvom životu i koja je tvoja poruka i savjet našim stipendistima?

Misija i želja Fondacije da mladi ljudi ostanu ovdje i doprinose državi i društvu i stvaraju pozitivne promjene me inspirirala. Našim stipendistima poručujem da iskoriste sve potencijale i mogućnosti koje Fondacija Hastor nudi, da budu izvrsni i vrijedni. Volonterski angažman neka shvate kao praksu i priliku za lično usavršavanje i napredak te iskustvo koje će im otvoriti mnoga vrata uspjeha. Kada se jednog dana ostvare u željenim domenima, neka ne zaborave odakle su potekli i gdje su korijeni njihovog uspjeha.

**Intervju pripremila i realizirala:
Amina Bašić**

2015.

prvi put naš Newsletter podijelili smo i s drugima

2016.

uvođenje nove rubrike „Uradi sam“

2017.

prvi bilten s naslovnicom i obogaćenim sadržajem

2018.

uvodena nova rubrika „FH učionica“

2019.

uvođenje ručno slikanih naslovnica

2020.

pokretanje „Rubrike aktivnih mladih“

2021.

nastavili smo pisati pozitivne priče i za vrijeme trajanja virusa COVID-19

2022.

uveli smo rubriku „Alumni mjeseca“

2023.

uvođenje rubrike „Male priče velikih volontera“

2024.

nastavljamo kreirati uspomene, promovirati postignuća i pratiti zajednički rast

Objektiv jubilarnog izdanja

Volontiranje je od samog osnivanja Fondacije Hastor bila naša najreprezentativnija karakteristika o kojoj smo iz mjeseca u mjesec govorili i kroz Newsletter. Sada kada se osvrnemo na brojne fotografije koje smo objavljivali u našoj rubrici "Objektiv", vidimo na njima ispisanu priču o dobročinstvu, radosti, druženju, zajedničkim izazovima i pomaganju. Ova priča čini srž Fondacije Hastor i ovu rubriku posvećujemo našim vrijednim volonterima koji su godinama svojim volonterskim aktivnostima ispisivali njene stranice.



Izjave naših stipendista koje smo bilježili u ovih 100 izdanja

Rubrika "Pismo mjeseca" oduvijek je bila protkana najnježnijim osjećanjima i najdubljim mislima naših stipendista, stoga smo u našem jubilarnom 100. izdanju odlučili izdvojiti najljepše među njima. Ova rubrika bila je prostor u kojem su naši stipendisti osjećali slobodu izraziti svoje osjećaje, govoriti o svojim snovima, ali i pozdravljati se u onim trenucima kada su završavali svoje fakultete i prestajali biti stipendisti Fondacije Hastor koja je mnoge od njih pratila i bodrila od osnovne škole pa sve do doktorskih studija. Osim toga, njihova pisma svjedoče i činjenici da je najveći cilj Fondacije Hastor od momenta njenog nastanka bio podržati mlade i ambiciozne ljude, i u finansijskom i u etičkom smislu, ali i naučiti ih altruizmu, hrabrosti, odlučnosti i ostalim plemenitim osobinama. Njihove riječi vraćaju nam uspomene i čine nas ponosnim jer su mnogi od njih pišući ova pisma maštali da postanu ono što su na kraju i ostvarili. To nam pokazuju i sljedeći dijelovi pisama koja smo objavljivali u izdanjima našeg Newslettera:



Mnogo ste olakšali meni i mojim roditeljima, stoga ću se ja truditi da opravdam ukazano mi povjerenje. Trudit ću se kao i do sada za što bolji uspjeh i da, prije svega, postanem dobar čovjek. Želim da postanem koristan član našeg društva. Oduševljen sam volonterskim radom koji ste nam omogućili jer se družimo i međusobno pomažemo.

Aldin Julardžija, Jajce



Te stepenike čini manjim, a moje korake lakšim upravo Fondacija Hastor. Nevjerovatno je koliko ima inspirativnih priča u Fondaciji. Upoznaš ljude kojima se diviš i za koje se nadaš da ćeš jednoga dana biti jednako uspješan kao i oni. A to uvijek pruži dodatni podstrek i motivaciju za dalji rad i napredovanje.

Nadira Šljivo, Sarajevo



Planiram se u ovoj i narednoj godini još više potruditi jer za upis na Medicinski fakultet, što je moja želja, treba mnogo truda i učenja. Nadam se da ću uspjeti u tome. Budite sretni što vaša stipendija pomaže u ostvarivanju sna jednog mladog momka.

Adis Merdić, Tešanj



Osam godina ne može stati na jedan papir. Osam godina - osam miliona zahvala. Osam godina - 2.920 noći svjesnosti da postoji neko, neko ko vas cijeni, podstiče da idete dalje i to ne zbog vašeg brata, oca, majke, zbog toga što ste lijepi, što imate lijep osmijeh, zbog toga što pripadate ovoj ili onoj naciji, ovom ili onom narodu, ovoj ili onoj političkoj orijentaciji, što živite u nekom posebnom, odabranom dijelu grada, već isključivo zbog onoga što radite, zbog vašeg truda, rada, zalaganja. Da li može osam miliona zahvala stati na jedan papir?

Zejna Šarić, Kladanj



Sada, na ovoj prekretnici, kad mi se pruža prilika da učim na jednom prestižnom svjetskom koledžu s vršnjacima iz cijelog svijeta, u novom gradu i novoj školi, veliko je olakšanje znati da ste tu za mene. Obrazovanje mi daje nadu u jednu uspješniju i bolju budućnost, i nadam se da ću u toj boljoj budućnosti naći način da vam se nekako odužim za tu ogromnu podršku, i činim to što vi činite svih ovih godina; pomažete da Bosna i Hercegovina bude bolje mjesto za život.

Lana Parežanin, Trebinje



Pored svega, od vas sam naučila važnu životnu školu: nikad se ne treba prestati boriti, jer i kad sam bila dobra, i kada sam stagnirala, vi ste bili uz mene bodreći me kada mi je trebalo. Ni ja ne vidim sve stepenice mog života, ali hrabro koračam naprijed jer znam koliko sam naučila od vas i znam da ste uvijek tu i da čvrsto stojite iznad mene. Još jednom, hvala vam za sve.

Emina Bilajac, Ključ



Oduvijek se trudim biti od koristi starima i slabima, a kada sam saznao da ćete mi to prihvatiti kao oblik volontiranja, to mi je dodatni podstrek.

Amer Muminović, Srebrenica



Bili ste moja druga porodica, neko ko cijeni čovjeka onakvog kakav jeste, ne pravi bilo kakve razlike među stipendistima, te nas samo dodatno motivira da postanemo bolji ljudi i, doista, to i jesmo.

Amna Komarac, Busovača



Osim pružanja materijalne podrške tokom mog školovanja i studiranja, slobodno mogu reći da me Fondacija Hastor pripremila za život i učinila samostalnom osobom. Stekla sam nezaboravna iskustva i praksu kroz volontiranje, pogotovo kroz volontiranje s učenicima, koje mi je omogućilo da naučim kako da na adekvatan način pristupim učenicima. Volontiranje koje mi je ova fondacija omogućila predstavlja vrlo jaku podlogu za moj budući profesionalni poziv, a to je poziv nastavnika.

Senada Podžić, Žepa



U razmaku od samo nekoliko godina, potpuno nespremna, suočila sam se s gubitkom mnogih bliskih osoba koje su mi bile tako potrebne kroz život, te ćete, nadam se, razumjeti zašto toliko mrzim rastanke. Posljedice ovog teškog perioda koji sam morala preći prate me i danas i pratit će me dok sam živa. Tada sam podršku nalazila u porodici i prijateljima, a, isto tako, ogroman stub sigurnosti i podrške nalazila sam u svojoj Fondaciji čija me svjetlost vodila ka mnogo ljepšim putevima.

Džulisa Otuzbir, Novi Travnik



Kada odrastem, želim da istražujem i pomažem onima kojima je pomoć potrebna. Ljudi koje nikada nisam znao, uljepšali su moj život, učinili ga ljepšim, boljim, ne samo meni, nego i mojoj porodici. I ja tako želim da usrećim mnoge druge, baš kao što to radi moja druga porodica. Moja Fondacija Hastor.

Talha Alić, Gračanica



Fondacija me je čak poslala na 'WeAreDevelopers' konferenciju u Beču 2018. godine, što je bilo izvanredno iskustvo gdje sam upoznao mnogo ljudi iz svoje struke. Završio sam dodiplomski studij i nastavio svoj master-studij u Švedskoj na Mälardalen univerzitetu.

Aldin Beriša, Sarajevo

Redakcija, prevodioci i grafički dizajneri od početka do danas

Fondacija Hastor uvijek je bila mjesto volonterizma, rasta, usavršavanja i svjedok uspjeha mladih ljudi. Svi naši alumnisti i sadašnji stipendisti uvijek su imali priliku da svoje volonterske sate prilagode sebi i da daju svoj maksimum u onom što najbolje rade. Svoj maksimum su na najbolji način pokazali i svi naši vrijedni stipendisti koji su godinama gradili naš bilten, koji ovog mjeseca slavi svoje jubilarno 100. izdanje. Stipendisti su kroz sva izdanja naših biltena imali priliku da se usavršavaju u ulozi autora i prevodilaca tokom uzimanja raznih intervju a dok su pisali najljepše priče iz Fondacije Hastor, ali i u ulogama grafičkog tima gdje su davali mašti na volju i uljepšavali stranice na najkompletniji način iskazujući svoju kreativnost.

Redakcijski tim volontera Fondacije Hastor prva izdanja Newslettera počinje pisati već 2009. godine. Tadašnja izdanja bila su u mnogo čemu drugačija u odnosu na današnji bilten i to su bili sami počeci kada smo naš Newsletter dijelili samo s našim stipendistima. Tadašnji studenti stipendisti su u mnogo čemu morali biti kreativni, snalaziti se, dolaziti do novih ideja, stvarati nove rubrike i svakoj narednoj generaciji olakšati put koji su oni prošli. Ipak, imali su volju, želju, misiju, a uz sve to, predan rad i trud postali su kruna svega toga. U nastavku vam donosimo priče i iskustva naših alumnista koji su bili neki od prvih članova redakcijskog tima Fondacije Hastor.

Prvi urednik našeg biltena bio je naš alumnista **Enver Fejzović** i u nastavku nam donosi svoje iskustvo pisanja biltena na samom početku:



“

Ja sam bio urednik biltena Fondacije Hastor blizu dvije godine (23 broja). To sve ne bi bilo moguće bez ostale vrijedne ekipe koja je činila redakciju. Sada kada se osvrnem na taj period, mogu reći da je to jedna od najljepših uspomena koju ću pamtiti do kraja života. Vesela i vrijedna ekipa redakcije koja je spremna u bilo koje doba dana i noći da izvrši zadatke koji su pred nju postavljeni je nešto posebno što je danas rijedak slučaj. Drago mi je što izlazi i 100. broj biltena Fondacije Hastor kao dokaz da postoji marljiva ekipa ljudi koja je nastavila gdje smo mi stali i veselim se svakom narednom jubileju.



Emina Sijahović bila je aktivni član redakcijskog tima pune tri godine, međutim, čak i nakon tog perioda, povremeno je slala neke svoje tekstove i članke koji su bili objavljeni u biltenu. Bilteni su u tadašnjoj verziji bili mnogo drugačiji u odnosu na one koje smo počeli dijeliti s javnošću 2015. godine.

Te godine kada su pisani prvi bilteni bile su vrijeme razvoja interneta i društvenih mreža, međutim, ipak ne u onoj mjeri kako mi to poznajemo danas, tako da su se tadašnji bilteni printali i slali učenicima osnovnih i srednjih škola po njihovim mentorima. Na taj način širila se svijest o biltenu, ali su i svi uzrasti imali priliku čitati ih i uživati u njihovim sadržajima. Broj članova u timovima bio je znatno manji nego danas, a sadržaj je iz mjeseca u mjesec i iz godine u godinu bio bogatiji, emotivniji i sadržajni.

“

Bilo mi je veoma zanimljivo raditi u tom timu jer smo baš nekako sinergično djelovali i osjećala sam da radimo nešto važno. Nakon svakog napornog rada dobijali smo rezultat kojem smo se divili mjesec dana, do idućeg biltena i ponosno smo ga dijelili porodici i prijateljima, kolegama. Najviše sam voljela pisati o našim izletima i mjesečnim sastancima. Te su priče uvijek nekako bile pune emocija, kaže naša **Emina Sijahović**.

Osim Emine, svoja iskustva s nama podijelili su i ostali stipendisti koji su pisali za Newsletter, uređivali ga i prevodili tekstove te su nam ispričali svoje priče o tome kako su kroz sve ove godine gradili sebe kroz volontiranje u Fondaciji Hastor.

Članovi redakcijskog, prevodilačkog i tima grafičkog dizajna ispričali su nam svoja iskustva i kako su svoje najdublje emocije godinama iznosili na papir u redakcijskom timu.

“

Najveći dio volonterskog angažmana provela sam u redakcijskom timu. Sve što sam gradila godinama u Fondaciji Hastor, gradila sam za moj svijet stihova. Sve drugo može biti i tuđe, ali moje pisanje je samo moje. Baš zato je Fondacija Hastor dio svijeta koji će biti dio mene ma koji posao radila, kaže naša **Nedžma Latić**.




“

Angažman u redakcijskom timu spojio me s različitim stipendistima i njihovim pričama. Pored mog tima, koji su tad sačinjavale kreativne i marljive djevojke, sada već žene uspješne po svojim definicijama uspjeha, tu su bili i stipendisti o kojima smo pisale i o kojima smo donosile inspirativne priče. Te priče dale su mi ideje o tome gdje bih ja sve mogla dati svoj doprinos, ističe **Sadžida Kosovac**.

Ipak, imali smo članove koji su se godinama okušavali u raznim timovima. Tako su Una Karabeg i Emina Adilović, Vedin Klovo i Almedina Numić pored redakcije bili i u prevodilačkom timu koji je naš bilten odveo na viši nivo.

“

U Fondaciji Hastor imala sam privilegiju djelovati na različite načine, od redakcije, društvenih mreža, projektnog tima pa sve do mentorstva i, naposljetku, voditeljice prevodilačkog tima za engleski jezik. Fondacija mi je pomagala, vjerujući u moje sposobnosti i podržavajući me, da djelujem u timovima gdje one najbolje dolaze do izražaja i koje su mi u konačnici pomogle na mom profesionalnom putu, navodi **Una Karabeg**.





“

Kao neko ko voli pisanu riječ i neko ko je studirao jezik, sasvim logičan slijed bio je priključivanje redakcijskom timu, a kao studentici anglistike velika je čast bila biti i članom prevodilačkog tima. Kreirati i prevoditi sadržaj i na taj način izražavati kreativnost te primijeniti znanje stečeno na fakultetu zaista je bila perfektna kombinacija. Rad u timu, odgovornost, objektivnost i poštivanje zadatih rokova samo su neke od vještina koje sam stekla kroz volontiranje u redakciji, a koje mi i danas služe, kako u privatnom tako i u poslovnom životu, kaže **Emina Adilović**.

“

Volontiranje u prevodilačkom timu Fondacije Hastor pomoglo mi je da proširim svoj vokabular, kako na engleskom tako i na bosanskom jeziku. S obzirom na to da danas na poslu podjednako koristim oba jezika, mogu reći da su mi dani u prevodilačkom timu bili iznimno korisni. Također, ovaj vid volontiranja odličan je način za praćenje svih aktivnosti Fondacije Hastor koje zabilježi redakcijski tim, ističe **Vedin Klovo**.



Da bi naše stranice, priče i vijesti unijele dašak pozitivne, boje i svjetlosti tokom perioda čitanja, zaslužan je naš tim za grafički dizajn koji iz mjeseca u mjesec premašuje svoje granice i trudi se pustiti mašti na volju, stvarajući najljepše stranice priča Newslettera. Sara Keserović i Edna Porča prenijele su nam svoja iskustva volontiranja u okviru grafičkog tima.

“

Kao osobi koja studira grafički dizajn i multimediju i koja to mnogo voli, volontiranje u timu za grafički dizajn trenutno je omiljena aktivnost u životu! S jedne strane, odlična je prilika za usavršavanje vještina za koje se školujem, a, s druge strane, to je provođenje vremena u onom što volim jer beskrajno uživam u smišljanju ideja za dizajn. Drago mi je kada dobijem pohvalu za bilo koje umjetničko djelo koje napravim, ali kada se radi o djelima za Fondaciju Hastor, onda mi srce bude najviše puno! Naravno, okruženje u kojem radite utječe mnogo na sam rad, a meni ljudi s kojima sam u kontaktu, ponajviše iz redakcijskog tima, iznimno pomažu dajući odlične komentare i prijedloge za unapređenje, ističe naša vrijedna volonterka **Sara Keserović**.



“

Tokom volontiranja u timu za grafički dizajn imala sam priliku razvijati brojne ideje za društvene mreže, čestitke, web-stranicu i mnoge druge potrebe Fondacije Hastor. Jedan posebno drag projekt na kojem sam radila, a koji mi je bio posebno uzbudljiv jeste dizajn biltena. Svaki mjesec bio je prilika za novu ideju i novi pristup, što je Fondacija Hastor uvijek podržavala. Osim toga, volontiranje mi je pomoglo razvijati neke bitne vještine za rad u timu, kao što su organizacija, prioritiziranje zadataka i poštivanje rokova. To volontiranje pomoglo mi je da shvatim važnost truda i uložene energije. Najvažnije su želja i volja za učenjem, a ja sam nevjerovatno zahvalna Fondaciji što je prepoznala moj potencijal i podržala moje nastojanje da unaprijedim sebe i svoje vještine, naglašava naša alumnistica **Edna Porča**.



Pripremila: Adelisa Begić

Redakcija, prevodilački tim i dizajneri biltena kroz godine

Kako smi i naglasili, ovo jubilarno izdanje našeg Newslettera posvećujemo našim stipendistima koji su vrijedno ispisivali brojne stranice kroz sve ove godine. U nastavku vam donosimo njihova imena poredana po zaduženjima koja su imali, a na samom početku posebno izdvajamo članove redakcije koji su napisali, preveli i dizajnirali prve riječi naše uspješne newsletterske priče.

Redakcija

Ime	Prezime	Ime	Prezime
🕒 Enver	Fejzović	Hana	Hajrić
🕒 Emina	Sijahović	Hana	Kolasević
🕒 Esma	Husika	Semina	Sadiković
🕒 Selma	Skopljaković	Saleha	Redžepi
🕒 Adnan	Kadrić	Selveta	Halilović
🕒 Fikreta	Omerović	Amina	Bašić
🕒 Lejla	Čerkez	Aldina	Šaljić
🕒 Enisa	Čerkezović	Aida	Suljić
🕒 Nura	Prlja		
🕒 Leana	Omerović		
🕒 Vedina	Kurtović		
🕒 Aida	Ribić		
🕒 Emina	Vučelj		
🕒 Sumeja	Mustafić		
Džulisa	Otuzbir		
Nadira	Berbić		
Irma	Marić		
Sadžida	Kosovac		
Hanka	Mujkić		
Nihada	Orhan		
Emina	Adilović		
Lejla	Đonlagić		
Mirza	Okić		
Amra	Imamović		
Maida	Sarić		
Razim	Medinić		
Belma	Zukić		
Amina	Vatreš		
Zehra	Šarić		
Amila	Porča		
Selma	Imamović		
Una	Karabeg		
Nejla	Komar		
Nedžma	Latić		
Alek	Isaković		
Fatima	Gazić		
Aleksandra	Đukić		
Džana	Vrabac		
Amina	Abaspahić		
Hana	Kolasević		
Adelisa	Begić		
Emra	Kulo Begić		
Almina	Šabanović-Kokot		
Nikolina	Stanar		
Jasmina	Ejubović		

Dizajneri

Ime	Prezime
Nirvana	Žiško
Armin	Silajđija
Ana	Miljević
Kemil	Bekteši
Belma	Gutlić
Edna	Porča
Ada	Sivac
Belma	Kapić
Amina	Basarik
Sara	Keserović
Hana	Kazić
Nejla	Dedić
Adnan	Kevrić




Prevodilački tim ENG

Ime	Prezime
Emina	Adilović
Nihada	Orhan
Mia	Babić
Almedina	Smajlović
Ajša	Đuherić
Semra	Islamović
Merima	Bećirović
Vedin	Klovo
Ešfer	Mehanović
Nejra	Galijašević
Amelina	Čejvan
Said	Kamenica
Fadil	Merdić
Sara	Kuduzović
Minela	Geko
Maida	Avdić
Ajlla	Hadžimuratović
Omer	Muminović
Zerina	Kosovac
Ivan	Rajić
Edna	Đuliman
Elmina	Huseljić

Prevodilački tim DE

Ime	Prezime
Marina	Cvjetković-Stojadinović
Ajla	Repeša
Zerina	Polutak
Ilda	Bajrić
Elvira	Softić
Kerim	Sirovica
Adna	Salković
Abela	Rastoder
Gabriel	Jelić
Đenita	Đuhera
Nadira	Sofović
Hanan	Bečić
Amina	Kezo
Lamija	Horić-Šabić



FONDACIJA

HASTOR



Kontaktirajte nas!

Bulevar Meše Selimovića 16,
Sarajevo
033 774 789
033 774 823
fondacija@hastor.ba



Redakcija

Almina Šabanović-Kokot
Adelisa Begić
Amina Bašić
Semina Sadiković
Aida Suljić
Aldina Šaljić
Nikolina Stanar
Hana Kolasević



Grafički dizajn

Sara Keserović



Naslovnica

Sara Keserović